

San Pablo Tesalónica vɯ'ejoopo pa'inare charo chɯ'o tocha saosi'ea'me

Chɯ'o saosi'ea'me

¹ Chɯ'ɯ, Pablo, Silana'me Timoteo ie chɯ'o tocha saomɯ mɯsanɯkonare, Tesalónica vɯ'ejoopo pa'inare, Dios mai Ja'kɯna'me Maire Paaku'te Jesucristo'te cuasakuanupɯ'te. Ũcuauji mɯsanɯkona rekoñoã re'oja'che pa'iche'te cho'okaiɯna re'oja'che pa'ijũ'ɯ.

Tesalónica pa'ina re'oja'che cho'o ñoñe'te kɯamɯ

² Mɯsanɯkonani ũcuanɯkore cuasaju pojoju Dioni si'arɯmɯ, “Re'orepamɯ, Ja'kɯ”, chiiju s̃ekaiju pa'inaa'me chɯkɯna. ³ Jã'aja'ñe i'kaju Mai Ja'kɯ Diore cuhama'ñe ija'che s̃enaa'me chɯkɯna:

—Ja'kɯ, repaña Tesalónica pa'ina mɯ'ure cuasanajeju re'oja'chechi'a cho'onaa'me. Pãi oiju chekɯnare ruu re'oja'che cho'okainaa'me repaña. Ũcuachi'a mɯ'ɯ chɯ'o cuasache jo'kasoma'ñe ũcua cuasaju, repañare mɯ'ɯ pa'icheja sajachere pojoju cha'aju pa'ime —Jã'aja'ñe Diore s̃eju pa'inaa'me chɯkɯna.

⁴ Chɯkɯna majapãijana, Dios mɯsanɯkonare oiɯ ch̃ea paache masime chɯkɯna. ⁵ Mɯsanɯkona pa'icheja pa'irɯmɯ chɯkɯna Jesucristo'te cuasache kɯachɯ'o chɯ'varɯmɯ chɯ'ochi'a peoche i'kamanesinaa'me. Diopi Ũcuau Rekochoji cho'okaiɯna Repau chɯ'ore masi kɯajuna asa ch̃ea, “Ie chɯ'o ũcuarepaa'me”, chini teana asa ch̃easinaa'me mɯsanɯkona. Jã'aja'ñe cho'o, chɯkɯna mɯsanɯkonare Dioni cuasaa'ju chini re'oja'che cho'okaiche masime mɯsanɯkona.

⁶ Dios Rekochoji cho'okaiuna Ūcuachu ore pojoju asa chēa pa'iju ruu cu'ache cho'ocojñonata'ni chukuna pa'iche'te ña chēa Maire Paaku pa'icheja'che pa'inajeju re'oja'che pa'inaa'me musanukona.

⁷ Jã'aja'ñe pa'iju chekunare Diore cuasanare re'oja'che pa'iju ñonaa'me musanukona. Musanukona pa'icheja Macedonia cheja pa'inare, icheja Acaya cheja pa'inare ũcuachi'a re'oja'che pa'iju ñonaa'me musanukona. ⁸⁻⁹ Musanukona re'oja'che pa'iju Diore masi cuasaju Maire Paaku chu'o musanukona chu'vache Macedoniana'me Acaya cheja pa'inachi'a masima'me. Chekuchejña pa'ina peore masime musanukona pa'iche. Masinajeju chukunapi musanukona pa'iche'te kuato, ija'che i'kanaa'me repana: “Tesalónica pa'ina Dioni masi cuasaju re'oja'che pa'iche asanajeju masinaa'me chukuna”, chiinaa'me. “Pablo, Silana'me Timoteo sani ñajuna repacheja pa'ina ña pojoasome repanare. Repana chu'vasi'e Dios chu'o asa chēa repacheja pa'ina te'ena aperumu rupu tñosiva'nare, 'Dioa'mu iku', chiiju pojoju pa'isina jo'kaso, churata'ni Diorepani Si'arumu Pa'ikuni cuasaju jovo Repa chiiche'te cho'okaiju pa'ijuasome. ¹⁰ Ūcuachi'a Dios Mamaku'te Jesure cunamupi caje pa'iu jūniso tãcojñona Dios Vasosi'kuni cha'aju pa'ijuasome repana, Repa'te cuasanarechi'a vati toa saiche Ūsejani”, chiinaa'me repana.

2

Pablo Tesalónica vu'ejoopo pa'irumu cho'osi'ere kumu

¹ Asarepajũu, chu'u majapãijana. Chukunapi musanukona pa'ichejare sani pa'iju Dios chu'ore chu'vajuna asa chēa Jesure jovosinajeju chukuna

chũ'vate'emanesi'e masime mũsanũkona. ² Ũcuachi'a aperũmũ chũkũna Filipos vũ'ejoopo sani pa'ijũ repajoopo pa'inare rũa cu'ache cutucojñojũ cu'ache cho'ocojñosi'e asasinaa'me mũsanũkona. Jã'ata'ni Diopi cho'okaiũna Jesucristo'te cuasache kũachũ'o chũ'vavajũchũma'ñe mũsanũkona pa'icheja sani ũcua chũ'vasinaa'me chũkũna mũsanũkonare. ³ Reparũmũ chũkũna vajũchũjũ cu'ache cuasajũ tĩĩne che'choma'ñe rũhiñe chũ'vasinaa'me mũsanũkonare. Ũcuachi'a te'eũ'terejẽ'e cacũ'oche cuasama'ñe chũ'o ũcuarepare che'chosinaa'me chũkũna mũsanũkonare. ⁴ Dios chũkũna'te Ũcuau chũ'ore Jesucristo'te cuasache kũachũ'ore pãire chũ'vajũ paapũ chini jo'kasi'kũa'mũ. Jã'ata'ni pãipi chũkũnani pojoa'jũ chini chũ'vamaanaa'me chũkũna. Mai rekoñoã pa'iche Ñakuji Diopi pojoa'kũ chini chũ'vanaa'me chũkũna.

⁵ Ie masime mũsanũkona: Diopi ñakũna chũkũna Jesucristo'te cuasache kũachũ'ore chũ'vajũ jorejũ põsena'me kuri kooũu chini chũ'vamanesinaa'me. Ũcuachi'a pãipi chũkũnani chiapũ chini chũ'vamanesi'ea'me. ⁶ Chũkũna Jesús saosinajejũ chũ'ũ're'onata'ni, “Ña kũkũjũ'ũ chũkũna'te”, chiijũ chũ'ũ'manaa'me mũsanũkonare, chekũnare ũcuachi'a. ⁷ Jã'aja'ñe i'kama'ñe pe'kerũ pa'ijũ che'chosinaa'me chũkũna mũsanũkonare. Vĩjachĩire pũka'ko kuirako jojacheja'che cho'okaijũ pa'isinaa'me chũkũna mũsanũkonare. ⁸ Jã'aja'ñe cho'oju mũsanũkonare oinajejũ re'oja'che pa'ijũ Dios chũ'o chũ'vasinaa'me chũkũna. Ũcuachi'a mũsanũkonare cuasajũ che'chesosinajejũ cheke chũkũna'te peore cho'ore'ochetũ'ka re'oja'che cho'okaisinaa'me chũkũna.

⁹ Chũ'ũ cuasana, ¿Chũkũna cho'osi'e cuasama'ñe mũsanũkona? Mũsanũkona pa'icheja sani pa'ijũ Diopi

chũ'uuna Jesure cuasache kuachu'o chu'varumu musanukonare rua oinajeju te'eu'terejẽ'e karache'te cho'ocuheju ãujẽ'e sēema'ñe pa'iju umucujñana'me ñami cho'оче cho'ojũ pa'isinaa'me, chukuna chiimajñarũãre kooñu chini. ¹⁰ Ũcuaja'che chukuna musanukonare jmamakarũjẽ'e cu'ache cho'oma'ñe re'oja'chechi'a cho'osi'e masime. Dios chiichechi'a cho'osinaa'me chukuna. Dios ñaku'te musanukonare Repau'te cuasanare re'oja'chechi'a cho'okaisinaa'me chukuna. ¹¹⁻¹² Ũcuachi'a musanukonapi re'oja'che pa'iju pojoju paapu chini muja'kupãija'ñe oiju pe'keru chu'vaju che'chosinaa'me chukuna musanukonare, re'oja'che pa'ijuna Diopi ña musanukonani pojoa'ku chini. Dios musanukonare re'oja'che pa'iju, Repau pa'ichejare sani pa'iju Ũcuauuna'me chũ'uju paapu chini chēasi'kuamũ.

¹³ Dios chukuna'te, “Chu'vajaikajjũ'u ie chu'o”, chiisi'e chukunapi sani Repau chu'ore chu'vajuna musanukonapi asa jachama'ñe pojoju, “Ie chu'o pãipi cuasaju i'kachema'mũ; Dios chu'orepaa'me ie”, chini cuasajuna, pojoju Diore cuhama'ñe, “Re'orepamũ, Ja'ku”, chiinaa'me chukuna. Repau Dios musanukonare Jesucristoni cuasaju jovo Ũcuau chu'o che'chenare pa'iche re'oja'che care'vakaiũ pa'imũ cu'ache cho'оче'te jo'kaso re'oja'chere cho'ojũ paapu chini.

¹⁴ Musanukonapi Dios chu'ore asa chēa Jesucristoni cuasaju re'oja'che pa'ijuna chekuna musanukona pa'icheja cana cu'ache cho'osinaa'me musanukonare, Judea cheja cana, judíopãi, aperumu Jesucristo'te cuasakanupu'te cu'ache cho'osi'eja'che. ¹⁵⁻¹⁶ Judíopãi ũcuanuko Jesucristo'te cuheju Repau'te cuasanare ũcuachi'a cuheme. Dios chu'o kuasinare apereparumu ũcuanapi vanisoasome. Maire Paaku'te Jesucristo'te

ũcuachi'a vanisosinaa'me repaña. Ũcuachi'a chekuna judíopái musanukona pa'ijooopo cana Dios chu'o chu'vache'te ñseju repajooopoji eto saosinaa'me chukuna'te. Repaña judíopái ũcuanukore pái cuheju, “Judío peonapi asa chēa re'oja'che pa'ijū”, chini si'arumū Dios chu'o kuache ñseme. Jā'aja'ñe cho'ojū si'ache cu'ache cho'ojūna pe'rukū, “Repaña cu'ache cho'osi'e ro'i chu'upí tūnokaima'ñe ũcua cuasakuna peore ro'ijanaa'me repaña”, chiimū Dios repañare.

Pablo repañare jo'e sani ñara chiiche'te kuamū

¹⁷ Chu'u majapāijana, chukuna eto saocojñosirumū musanukonani jo'e ñauakuna si'arumū cuasaju rua oiju pa'isinaa'me chukuna. Ñauakuna oiju jmamakarū pani jo'e si'ache cho'osinaa'me chukuna, musanukonani sani ñañu chini. Jā'ata'ni saicu'akuna saima'ñe pa'lime chukuna, saineenata'ni. ¹⁸ Chu'u Pablo, rua jeerumū sasa chini cho'okū pa'isi'kuamū. Ruarepañōã chu'u saipi'rarumūchi'a vati ai si'arumū saíñsesi'kuamū chu'ure.

¹⁹⁻²⁰ Rua pojome chukuna musanukonare. Chukuna che'choche Dios chu'ore musanukonapi jachama'ñe asa chēa Maire Paakūni Jesucristoni cuasajūna, Repañ jo'e cajesirumū chukuna'te, chu'vasinare rua pojoja'mū. Reparumūre cuasaju pojoju cha'ame chukuna. Repañ'te tijña musanukona Dios chu'o asa chēasi'e pojoju peore kuajanaa'me chukuna.

3

¹⁻² Musanukonani oiju sani ñañu chiisinata'ni, saicu'akuna saima'ñe pa'ijū cha'aju ca'naso musanukona pa'iche'te masiñu chini, mai majapāijajūni Timoteoni saosinaa'me chukuna. Repañ'te Timoteo'te ija'che i'kasi'kuamū chu'u:

“Chũ'u ichejare Atenas vũ'ejoopo'te Silana'me pa'iu cha'ara; mũ'upi te'eu ñajaijũ'u”, chiisi'ku'a'mũ chũ'u. Chini, repa'u'te Dios chũ'ore ja'me chũ'vakaiũ Diore cho'oche cho'okaiku'te mũsanũkonani che'choa'ku chini saosi'ku'a'mũ chũ'u, ũcuauji che'choũna Jesucristoni pojoju na'a rũa cuasaju paapu chini.

³⁻⁴ Mũsanũkonare cuasaku, “Pãire cu'ache cho'ocojũojũ Jesucristo'te cuasache'te jo'kasojũ”, chini jã'aja'ñe cuasa Timoteoni saosi'ku'a'mũ chũ'u mũsanũkonare ũcuauji che'choũna jo'kasoma'ñe ũcu cuasaju paapu chini. Aperũmũ chũkũna ja'me pa'irũmũ, “Pãi maire cu'ache cho'ojanaa'me”, chijũ kuasinaa'me mũsanũkonare, masia'ju chini. Jã'aja'ñe pa'imũ Dios chũ'o asa chẽa Jesucristo'te cuasanare. Chũkũna aperũmũ kuaju, “Pãi Diore cuhena cu'ache cho'ojanaa'me maire”, chiisi'e cho'ocojũocuhaju masime mũsanũkona. ⁵ Jã'ajekũna chũ'ũni cha'aũamaũna Timoteoni saosi'ku'a'mũ chũ'u, mũsanũkona pa'iche'te ñajani ra chũ'ũni kuũna asa masira chini, “Chũkũna cho'okatena Jesucristoni cuasaju, ¿repana re'oja'che pa'iche vatipi ũsekũna jo'kasocuhare?”, chini cuasaku.

⁶ Chura repa'u Timoteo mũsanũkona pa'icheja ñajani ranicuhasi'ku'a'mũ. Chũ'o rũa re'oja'chere mũsanũkona pa'iche ra, ija'che kuasi'ku'a'mũ repa'u chũ'ũre: “Re'oja'che pa'ijũ chuta'a Diore rũa cuasaju chekũnare pãi oiju re'oja'che cho'okaiju pa'ime repana. Ũcuachi'a mai repanare ja'me pa'isi'e chuta'a cuasaju pojoju mai repanare ñañũ chiicheja'che maire ũcuaja'che ñañũ chiime repana”, chiiũ kuasi'ku'a'mũ repa'u chũkũna'te. ⁷ Jã'aja'ñe kuũna asa pãi chũkũna'te cu'ache cho'ochejẽ'e cuasama'ñe jã'achi'a cuasaju oiju pa'isina mũsanũkona re'oja'che pa'ijũ Diore cuasaju pa'iche'te asa rũa pojome chũkũna. ⁸ Mũsanũkona Jesucristo'te

jo'kasoma'ñe cuasaju pa'iche asa vaju sinaa'me chukuna.
 9 Diopi cho'okaiuna musanukona pa'iche'te cuasani
 ruu pojaju Dioni, “Re'orepamu, Ja'ku”, chiiju pa'ime
 chukuna. 10 Diopi chukunani musanukona pa'ichejana
 saoa'ku chini Repauni seēju, umucujñana'me ñami
 seekaiju pa'ime chukuna musanukonare, Repauji
 saouna musanukonani ñaju ja'me pa'iju Repau chu'ore
 chuta'a musanukonare karache'te na'a ruu che'chorena
 re'oja'che pa'iche'te peore masia'ju chini.

11 Churata'ni mai Ja'ku Dios Maire Paaku Jesuna'me
 chukuna'te musanukona pa'ichejana saoa'ku.
 12 Ūcuachi'a musanukona sañeche'i'a cuasaju chukuna
 musanukonare oicheja'che pã ũcuanukore si'arumu
 na'a ruu oiju paapu chini, Diore seekaimo chukuna
 musanukonare.

13 Ūcuachi'a Diopi cho'okaiuna re'oja'che pa'imasiyu
 Repau chiichechi'a cho'ojū, musanukonapi rekoñoã
 cu'achejẽ'e peorekoñoã paajuna Jesús, Maire Paaku,
 Repau neena re'onana'me peore jo'e cajesirumu
 musanukonare ña pojoku, Puka'kure Diore, “Ja'ku,
 cu'ache cho'osi'e ro'iche peomu inare”, chiau chini
 Diore seekaimo chukuna. Jã'aja'ñe paau.

4

Diopi pojokū chini re'oja'che pa'iche'te kuamu

1 Asarepajũu, chu'u majapãijana. Chukuna
 musanukona pa'icheja pa'irumu Maire Paaku Jesucristo
 chũ'usi'e che'chosinaa'me, musanukonapi na'a
 re'oja'che pa'imasiyu Dios chiichechi'a cho'ojū paapu
 chini. Chura musanukona re'oja'che cho'ojū pa'iche
 jo'kasoma'ñe na'a ruu re'oja'che cho'ojū pa'ijũu.

2 Chukuna musanukonare aperumu chu'vaju kuasi'e
 chu'o masime, Maire Paaku Jesucristo chũ'u jo'kasi'e.

³ Asarepajũ'u. Ija'che pa'iche'te chiimũ Dios: Repau neena pa'ijũ cu'ache cho'oma'ñe re'oja'chechi'a pa'ijũ Repau pojochechi'a cho'okaijũ pa'iche'te chiimũ. Ɛmũpãĩ murũjoromichi'a paajũ chekunare romineema'ñe pa'ijũ'u. Ūcuaja'che romi muũjũpãichi'a pa'ijũ'u. Chekunare chiima'ñe pa'ijũ'u. ⁴ Ɛmũpãĩ musanũkona veja paanare romi, pa'irepache pa'ijũ re'oja'che paajũ murũjoromi ña kukujũ vaima'ñe paajũ re'oja'che kuirajũ pa'ijũ'u. ⁵ Romineema'ñe pa'ijũ, Diore cuasamana cho'ocheja'che cu'ache cho'oneema'ñe pa'ijũ'u. ⁶ Jã'aja'ñe cho'oma'ñe pa'ijũ te'eu'terejẽ'e cu'ache cho'oju cacũ'oma'ñe pa'ijũ'u. Cheku paako'te cu'a cho'omanejũ'u. Ūcuachi'a tũ paamanejũ'u repao'te. Mai cho'oche peore Ñakũjekũ Maire Paakũ Dios mai cu'ache cho'oche ro'i peore ro'iche chũ'ũku'mũ. Jã'a aperũmũ kuasinaa'me chũkũna musanũkonare.

⁷ Dios maire cu'ache cho'oju paapũ chini chẽamanesi'ku'a'mũ. Re'oja'che pa'ijũ Repau chiiche'te cho'oju paapũ chini chẽa paamũ Dios maire. ⁸ Jã'aja'ñejekũna pãipi chũkũna che'chochũ'ore asacuhejũ jachani rupũ pãire jachama'me. Dios chũ'ore jachame repana. Musanũkonare Repau'te cuasanareta'ni Repau Rekocho'te ĩsimũ Dios, ja'me paapũ chini.

⁹ Chekunare pãĩ sãĩnechi'a oijũ pa'icheta'ni jo'e kuajũ tochache chiima'mũ chũkũna'te. Ūcuare musanũkonani Diopi pãĩ chekunare ña oiche'te che'chokũna pãĩ chekunare ña oime musanũkona. ¹⁰ Jã'aja'ñe pa'ijũ musanũkona pa'icheja Macedonia pa'inare Diore cuasanare ũcuanũkore oijũ pa'inaa'me musanũkona. Jã'ata'ni musanũkonapi jã'aja'ñe cho'oche'te jo'kama'ñe si'arũmũ na'a ruũ oijũ re'oja'che cho'okaijũ paapũ chini chũ'vame chũkũna.

11-12 Chekunare ke'rema'ñe re'oja'che cho'okaiju pa'ijũ'u. Cavama'ñe pa'ijũ'u. Chekunare pe'keru che'choju pa'ijũ'u. Ūcuaja'che ñamema'ñe, cho'оче cho'oju pa'ijũ'u. Jã'aja'ñe cho'oni chekuna nee ãu si'areparumu ãnisokaima'ñe pañu chiijanaa'me musanukona. Aperumu chukuna musanukonare peore jã'a chũ'uju che'chosinaa'me. Musanukonapi jã'aja'ñe re'oja'chechi'a pa'iju cu'ache cho'oma'ñe pa'ito, chekuna pãi Diore cuasamana re'oja'che cutuju, “Ina Diore cuasana ruu re'onaa'me”, chiijanaa'me musanukonare.

Maire Paaku Jesucristo jo'e rajjachere kuumu

13 Asarepajũ'u, chu'u majapãijana. Chura jünisosina cho'ocojñojañere kaju tochapi'rame chukuna, musanukonapi masia'ju chini. Diore cuasanapi jünisosinare Repau pa'ichejare sani pa'ijuna ruu re'omu. Repau'te cuasamanata'ni Dios pa'icheja pa'iche'te vesuju repana majapãi jünisoru, ota ruarepa oinaa'me, “Jo'e ñamanejanaa'me mai”, chini cuasaju. Repana cho'очеja'che cho'omanejũ'u musanukona. 14 Mai Jesucristo jüniso tãcojño vajuraisi'kure cuasanajeju Repau'te cuasaju jünisosiva'na jo'e vajurajache masime.

15 Jã'aja'ñejekuna musanukonare ie chu'o Maire Paakuji chũ'ukuna kume chukuna: Repau Jesucristo jo'e cajerumu mai chuta'a vajuju cheja pa'ina jünisosiva'nare jo'ka charo munisomanejanaa'me, vajurumu Jesucristo'te cuasinare. 16 Reparumu Maire Paaku Jesucristo ujachu'opi chũ'uku cajeja'mu. Cheku, ángeles chũ'uku, ūcuaja'che ujachu'opi soija'mu. Dios neevu trompetavu juhiche asoja'mu. Jã'a juhiona Jesucristo'te cuasaju jünisosina mamaca'nivũã carüni charo vajurani mujanaa'me. 17 Repana vajuraisirumu maipi reparumu chuta'a vajuna pani, ūcuanana'me piko

pa'ichejana **cunaumuna** **mujanaa'**me, Maire Paaku **ni** Jesucristoni tijñañu chini. Jã'aja'ñe cho'o ùcuanuko Repau pa'ichejare ai sani pa'ijũ Ûcuana'me si'arumu pa'ijanaa'me, Repau'te cuasanachi'a. ¹⁸ Jã'a chu'o chukuna kujũ tochasi'e chekunare kujũ'ũ asa pojojũ sumava'na pa'imanea'jũ chini.

5

¹⁻² Chu'ũ majapãijana, Maire Paaku Jesucristo jo'e cajejacheta'ni chu'ũpi kuaku tochache chiima'me musanukona; maire kumanesi'kuamũ Repau. Jã'a ùcuare masime musanukona. Repau raijaumucuse Repau'te pã cha'amarumuna tĩ'aja'mũ. Ija'che pa'ija'mũ: Pã, ñaani pẽ'jeju raimuna cha'ate'e repana pẽ'jemaumucusena ñaũ raicheja'che Jesucristoji rakuna ña jñanojanaa'me, pẽ'jema'ñe pa'ijũ. Chukuna'te, “¿Keekerumu raija'ũ Repau?”, chijũ sēniasamanaa'me musanukona, ùcuare masijũ. ³ Pã Diore cuasamana, “Re'omũ maire; cu'ache ti'jñeñe peomũ”, chijũ pojojũ pa'itona, teana te'erumu Repauji rakuna ùcuanukore rũa cu'ache pa'ija'mũ repanare, Repau'te cha'ama'ñe pa'inare. Ija'che pa'ija'mũ repanare: Romi, chĩ su'inare, repanajẽ'e vesumucusena chĩre jñaarumu rũa asicheji tĩ'amũ. Jesucristo raijache cha'amanare pã ùcuachi'a repanajẽ'e vesurumuna rũa cu'acheji katichejẽ'e peoche ti'jñeja'mũ repanare pã.

⁴ Chu'ũ majapãijana, musanukonata'ni Repau'te cuasanajeju chijachejaja'che pa'ima'ñe Repau raijache cha'ajũ pa'inaa'me. Repau'te cha'anajeju raito ña jñanomanejanaa'me musanukona. ⁵ Mai ùcuanuko Jesucristo'te cuasanajeju miañeja'ñe re'oja'che pa'imasinajeju Repau'te cuasamana chijachejaja'che

cu'ache pa'imanaa'me. ⁶ Jã'ajekuna chekuna kãnisosinaja'ñe cu'ache pa'ijũ Repaũ'te cha'ama'ñe pa'icheja'che, pa'ima'ñe kãimanaja'ñe re'oja'che pa'ijũ cu'ache cho'oma'ñe Repaũ rajachere cha'ajũ Repaũji ratu ña jñanomanenũ mai. ⁷ Ūcuachi'a Repaũ'te cuasamana chija'iũna kãnisosinaja'ñe pa'ijũ re'oja'che pa'ivesũjũ cu'ache cho'ocheja'che cho'oma'ñe pañu mai. Ūcuachi'a Repaũ'te cuasamana ñamina cono jũ'iñena pa'ijũ re'oja'che cho'ovesũjũ cu'achechi'a cho'omasicheja'che cho'omanenũ.

⁸ Maita'ni Repaũ'te cuasanajejũ si'arũmũ re'oja'che pa'ijũ pañu; Repaũ neenaa'me mai. Repaũ'te rũa chiinajejũ jachama'me mai. Ūcuachi'a chekunare pãi oijũ re'oja'che cho'okaijũ pañu. Jesucristo jo'e caje maire sajachere pojojũ cha'ajũ pañu. Ūcuachi'a Repaũni jovo ai sani pa'ijachere cuasajũ cha'ajũ pañu. Jã'aja'ñe cuasajũ pa'ito vati, “Jesucristo'te cuasache jo'kasojũ'ũ”, chinite'ejamũ maire, Diopi ãsekuna.

⁹ Dios maire vati toana saora chini chẽasi'kũma'mũ. Jesucristoni cuasajũ vati toa saima'ñe Repaũ pa'ichejare ai sani paapũ chini chẽa paamũ Repaũ maire. Cu'acheja saiche peoja'mũ maire, ũcuare Jesucristo jũni ro'ikaisi'jekuna. ¹⁰ Jesucristo maipi Repaũna'me paapũ chini jũni ro'ikaisi'kũa'mũ. Jã'ajekuna Repaũ jo'e cajerũmũ chuta'a vajũna pani, reparũmũ jũnisosina panijẽ'e ja'me pa'ijanaa'me mai Repaũ'te. ¹¹ Jã'ajekuna mũsanũkona sãĩñechi'a oijũ re'oja'che cho'okaijũ pa'iche jo'kasoma'ñe na'a rũa cho'ojũ pa'ijũ'ũ, ũcuanũko si'arũmũ na'a rũa re'oja'che pañu chini.

Pablo Jesure cuasanare chu'vachu'ore kũamũ

¹²⁻¹³ Asarepajũ'ũ chu'ũ majapãijana. Mũsanũkonare Dios chu'o chu'vajũ chũ'ũnare ña kũkũjũ pa'ijũ'ũ.

Repanapi re'oja'che chũ'uto jachama'ñe cho'ojũ'ũ. Ke'rema'ñe pojojũ cuasajũ pa'ijũ'ũ repanare; rúa re'oja'chere cho'okaimere repana m̄sanũkonare. Ūcuanũko cavama'ñe re'oja'che ja'me pa'ijũ'ũ. ¹⁴ Ūcuachi'a ija'che cho'ojũ'ũ chiime chũkuna m̄sanũkonare: Ñamenare, “Ñamemairo pa'ijũ'ũ”, chiijũ'ũ. Vajũchũnare, “Vajũchũma'ñe pa'ijũ'ũ; kokarekoñoã paajũ'ũ”, chiijũ'ũ repanare. Chekũnare chuta'a Jesucristo chũ'ũñe masi cho'ovesũnare pe'ruma'ñe pe'kerũ re'oja'che chũ'vajũ pa'ijũ'ũ repanare. Ūcuanũkore pe'kerũ i'kajũ che'chojũ pa'ijũ'ũ. ¹⁵ Ūcuachi'a cuasarepajũ pa'ijũ m̄sanũkonare cu'ache cho'onare sãĩñe cu'ache cho'oma'ñe pa'ijũ'ũ. Si'arũmũ re'oja'chechi'a cho'ojũ Diore cuasanare cho'okaijũ, ūcuachi'a Diore cuasamanare cho'okaijũ pa'ijũ'ũ. ¹⁶ Si'arũmũ pojojũ pa'ijũ'ũ. ¹⁷ Repaũ'te si'arũmũ s̄ejũ pa'ijũ'ũ cho'okaũ chini. ¹⁸ Si'arũmũ Diore pojojũ, m̄sanũkonare ūcuũache ti'jñeto, “Re'orepamũ, Ja'ku”, chiijũ pa'ijũ'ũ. Jã'aja'ñe i'kajũ pa'iche'te chiimũ Dios maire, Jesucristo'te cuasanare.

¹⁹ Dios m̄sanũkonare Repaũ Rekocho'te ĩsisi'kũa'mũ Ūcuarekochoji re'oja'chere che'choa'kũ chini. Reparekocho che'choche cuhemanejũ'ũ m̄sanũkona.

²⁰⁻²² Ūcuachi'a chekũnare Dios chũ'ore chũ'vañũ chini rainare cuhema'ñe repana chũ'vachũ'o asajũ'ũ. Repanapi chũ'o ūcuarepare chũ'vato asa ch̄ã repana chũ'vajũ chũ'ũñe jachama'ñe cho'ojũ pa'ijũ'ũ. Jã'ata'ni repanapi vati chũ'ore jorechũ'ore chũ'vato asacuhejũ jachajũ che'chemanejũ'ũ repana che'choche. M̄sanũkona cu'ache cho'oche peore jo'kaso jmamakarũj̄e' cu'ache cho'oma'ñe pa'ijũ'ũ.

²³⁻²⁴ Diopi maire re'oja'che pa'iche ĩsikũji cho'okaiũna

m^usan^ukonare re'oja'chechi'a paap^u chini s^ẽekaim^e ch^ukuna. M^usan^ukonare ch^ẽa Paak^ujek^u, Dios m^usan^ukonare cho'okaik^u'm^u peoche I'kama'k^ujek^u. Ūcu^uji cho'okai^una Jesucristo jo'e cajer^um^ujat^u'ka re'oja'chechi'a pa'ij^u m^usan^ukonare rekoñ^õ cu'achej^ẽ'e peorekoñ^õ paaj^u cha'aj^ũ'u. M^usan^ukonare jã'aja'ñe pa'ij^una Maire Paak^u Jesucristo repar^um^u, “Ro'iche peom^u inare”, chii^u kuaja'm^u Puka'k^ure Diore.

Cuhacho ch^u'o saosi'ea'me

²⁵ M^usan^ukonare ūcuaja'che Diore s^ẽekaij^ũ'u ch^ukuna'te. ²⁶ Repau'te cuasanare ūcu^ukonare repacheja pa'inare ch^ẽse pojoj^u, ch^u'o sa kuakaij^ũ'u ch^ukuna'te. ²⁷ Maire Paak^uji ch^ũ'ukuna ch^u'u tohasi'e ie ch^u'o peore ñaj^u i'kakaij^ũ'u, Repau'te cuasanare ūcu^ukonare. ²⁸ Maire Paak^u Jesucristoji m^usan^ukonare re'oja'che cho'oka^u.

Pablo

Dios Chu'o Kuaphuro

Koreguaje: Dios Chu'o Kuaphuro New Testament

copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 4 Mar 2022

87a345ac-83c6-51ad-8750-17a703f38bcc